

## ADMINISTRACIÓN LOCAL

### PROVINCIAL

#### DEPUTACIÓN PROVINCIAL DA CORUÑA

##### Área de Servizos Provinciais. Sección de Educación, Cultura e Deportes

*Convocatoria de bolsas de investigación 2015*

#### Convocatoria de bolsas de investigación 2015

#### 1.-Líneas xerais.

##### 1.1.-Obxecto.

O obxecto da presente convocatoria e a concesión de dezaioito bolsas en réxime de publicidade, obxectividade e concurrencia competitiva, destinadas a titulados universitarios que pretendan facer un traballo de investigación no período 2015-2016, cunha duración mínima de nove meses, distribuídas nas seguintes áreas:

Área de ciencias sociais e xurídicas: 3 bolsas

Área de ciencias : 4 bolsas

Área de ciencias da saúde: 4 bolsas

Área de enxeñería e arquitectura: 2 bolsas

Área de artes e humanidades: 5 bolsas

A dotación das bolsas é de 137.250,00 € (7.625 € cada unha), e a súa aplicación orzamentaria corresponde á partida 0612/3262/481 na que existe crédito adecuado e suficiente.

##### 1.2.-Tramitación.

Polo que se refire ao tipo de tramitación, as bolsas desta convocatoria tramitaranse de xeito telemático.

A tramitación telemática aplicarase a todas as fases do procedemento: solicitude, concesión e pago; incluíndo en cada unha delas, as notificacións e as comunicacións, os requirimentos de información e documentación, e os envíos de documentación que foran necesarios para tramitar os expedientes.

Conforme ao disposto no artigo 58 da Lei 30/1992, do 26 de novembro, de réxime xurídico das administracións públicas e do procedemento administrativo común, notificaránselles aos interesados as resolucións e actos administrativos que afecten os seus dereitos e intereses.

A resolución dos admitidos e excluídos e a da adxudicación das bolsas, por tratarse dun acto integrante dun procedemento de concurrencia competitiva e, de conformidade co establecido nos artigos 59.6.b), 60 e 61 da indicada Lei 30/1992, notificarase mediante publicación no taboleiro de edictos e na páxina web da Deputación, e producirá os mesmos efectos que a notificación individualizada. Sen prexuízo do cumprimento da normativa vixente en materia de notificacións administrativas.

#### 2.-Solicitantes.

Poderán participar nesta convocatoria todas as persoas residentes na provincia da Coruña que pretendan realizar un traballo de investigación e reúnan todos os requisitos que de seguido se relacionan:

**2.1.**–Posuír titulación universitaria (licenciado, diplomado, grado o equivalente) recoñecida oficialmente.

**2.2.**–Acreditar a residencia en calquera concello da provincia da Coruña, mediante a presentación dun certificado ou volante de empadramento cunha antigüidade mínima dun ano antes da data da publicación no BOP da convocatoria. A data de expedición do certificado ou volante será posterior á da publicación desta convocatoria no BOP

**2.3.**–Non ser titular, no momento no que se produza a adxudicación da bolsa e durante a duración desta, de ningunha outra bolsa de investigación para o mesmo período, aínda que a investigación sexa diferente.

Os titulares de bolsa en anteriores convocatorias, non están excluídos de participar nesta, sempre que cumplan todos os requisitos.

**Obrigas dos solicitantes:**

Tendo en conta que a tramitación será telemática:

A persoa que solicita a bolsa deberá dispoñer dun enderezo de correo electrónico que non poderá variar ao longo de toda a tramitación do expediente, xa que as comunicacións dirixiranse a ese enderezo. Excepcionalmente poderase, de forma xustificada, modificarse o enderezo inicial coa obriga de notificar a dita circunstancia á Deputación.

Deberán dispoñer de certificado dixital:

- A persoa que solicite a bolsa.
- A persoa que a represente perante a Deputación (se é distinta da que solicita a bolsa).

**3.-Documentación.**

As solicitudes presentaranse de xeito telemático, a través da páxina web da Deputación da Coruña: [www.dicoruna.es](http://www.dicoruna.es).

Achegarase tamén a seguinte documentación que terá que vir asinada do seguinte xeito:

- No caso das declaracións, compromisos e outra documentación, pola persoa que presente a solicitude da bolsa.

**3.1.**–Fotocopia do documento nacional de identidade ou do documento que regulamentariamente o substitúa.

**3.2.**–Área das bolsas á que opta, con indicación do proxecto de investigación que vai realizar e o centro no que será levado a cabo. Non se poderá optar a mais dunha área por solicitude.

**3.3.**–No caso de que o traballo esté avaliado por un profesor universitario ou por unha persoa de recoñecido prestixio no campo no que se vai desenvolver a investigación, unha certificación que acredite o dito aval.

**3.4.**–Certificación académica completa na que figure expresamente:

A) A nota media simple do expediente académico en base 10 de conformidade co disposto no R.D 1125/2003 e no protocolo de colaboración suscrito entre a Consellería de Educación e Ordenación Universitaria e as tres universidades galegas para a valoración de expedientes académicos, vixente no momento de publicación desta convocatoria.

No caso de titulacións de universidades non pertencentes ao Sistema Universitario Galego (SUG), a media simple do expediente académico será determinada polos servizos da Secretaría Xeral de Universidades segundo o establecido no dito protocolo de colaboración del SUG.

B) A data de finalización dos estudos.

Os solicitantes que cursen os estudos no estranxeiro e posúan a certificación académica en idioma distinto do castelán ou do galego, achegarán a traducción oficial e, ademais do disposto nos apartados A) e B), indicarán as cualificacións máximas e mínimas dentro do sistema de avaliación correspondente, e cal é a cualificación mínima para superar a asignatura.

**3.5.**–Currículo do solicitante xunto coa documentación que considere representativa da súa formación. Se o traballo se vai realizar coa colaboración dun equipo indicarase os estudos e actividades profesionais dos seus integrantes.

**3.6.**–Certificado ou volante de empadramento con data actualizada e con expresión da antigüidade mínima que se establece no apartado 2.2 desta convocatoria

**3.7.**–Declaración doutras axudas solicitadas para o mesmo fin.

**3.8.**–Autorización á Deputación para solicitar as certificacións que deban emitir a Axencia Tributaria e a Seguridade Social con anterioridade aos pagos.

**4.-Lugar, prazo de presentación da solicitude e desistimento.**

As solicitudes presentaranse de xeito telemático, a través da páxina web da Deputación da Coruña: [www.dicoruna.es](http://www.dicoruna.es).

A presentación telemática producirá plenos efectos xurídicos, sempre que a solicitude sexa presentada dentro do prazo establecido.

**O prazo de presentación será:**

|  |  |
|--|--|
| Inicio do prazo de presentación de solicitudes | 00.00 horas do día 10 de marzo de 2015 |
| Fin do prazo de presentación de solicitudes    | 14.00 horas do día 10 de abril de 2015 |

A Deputación publicará na súa páxina web e no taboleiro de anuncios, a relación dos solicitantes admitidos e excluídos polo que a presentación da solicitude leva implícita a autorización para o tratamento necesario dos datos dos solicitantes e da súa publicación na citada páxina web.

No prazo de 10 días dende a publicación dos solicitantes admitidos e excluídos poderán os interesados formular as reclamacións para emendar erros. Transcorrido este prazo sen que se emenden as causas de exclusión, considerarase que desiste da súa petición nos termos do artigo 71 da Lei 30/1992, do 26 de novembro.

Tamén será causa de desistimento da solicitude, non axustarse aos termos da convocatoria, ou o incumprimento dos requisitos establecidos nela.

#### **5.-Tribunais.**

Constituirase un tribunal para cada área das bolsas e a celebración das sesións será conxunta.

A composición dos tribunais publicarase na páxina web da Deputación e no taboleiro de anuncios, con anterioridade á súa reunión, co fin de que se poidan interpor, no seu caso, os recursos legais pertinentes.

Cada tribunal estará presidido polo Presidente da Deputación e formarán parte de cada un deles a deputada presidenta da Comisión de Cultura, Educación, Deporte e Mocidade, e tres representantes das universidades da provincia, sendo secretario o da Deputación ou a persoa na que delegue, e requiera para a súa válida constitución a maioría simple dos seus membros.

Cada un dos tribunais valorará as solicitudes que lle correspondan en función da área sinalada na solicitude polos solicitantes; non obstante na primeira reunión que se celebre, poderán reasignarse a outra área e por conseguinte a outro tribunal, aqueles proxectos que polas súas especiais características ou por erro dos solicitantes, non esten correctamente clasificados, coa finalidade de que sexan avaliados polo tribunal competente.

Cada tribunal formulará a súa proposta de concesión, que será motivada segundo as bases da convocatoria e as súas deliberacións serán segredas.

#### **6.-Evaluación das solicitudes e resolución da convocatoria.**

O órgano competente para ditar o acordo de resolución da convocatoria é o Presidente da Deputación.

**6.1.**—A valoración das solicitudes realizarase de acordo cos seguintes criterios e puntuacións:

- \* O interese da investigación e a súa aplicación práctica para o desenvolvemento da provincia: 4 puntos.
- \* O rigor na formulación do proxecto de investigación, así como as persoas que o avalan e o equipo científico que o apoia: 3 puntos.
- \* O currículo da persoa solicitante: 3 puntos que se distribúen do seguinte modo:

Expediente académico: 2,5 puntos.

Outros méritos: 0,5 puntos.

A valoración do expediente académico farase en función da nota media simple, segundo o establecido no protocolo de colaboración suscrito entre a Consellería de Educación e Ordenación Universitaria e as tres universidades galegas para a valoración de expedientes académicos.

A puntuación total de cada solicitante obterase pola suma das puntuacións anteriores.

**6.2.**—Os tribunais poderán declarar desertas as bolsas en calquera das áreas que son obxecto da convocatoria cando a calidade das propostas presentadas non acade os criterios mínimos para a súa concesión, despois de ter feita a súa ponderación. As bolsas desertas poderanse asignar a outra área.

**6.3.**—Cada tribunal poderá nomear o número de suplentes que considere oportuno, establecendo unha orde de prioridade. Estas persoas accederán ás bolsas, únicamente, no caso de existir algunha renuncia, ou revogación polo incumprimento das obrigas desta convocatoria.

**6.4.**—A resolución da convocatoria será dada a coñecer mediante a publicación na páxina [www.dicoruna.es](http://www.dicoruna.es) e no taboleiro de anuncios e producirá os efectos de notificación ás persoas interesadas.

**6.5.**—Contra esta resolución, que poñerá fin á vía administrativa, poderán ser interpostos, con carácter potestativo, os seguintes recursos:

Recurso de reposición, ante do presidente da Deputación Provincial, no prazo dun mes.

Recurso contencioso administrativo, ante a xurisdicción contencioso administrativa, no prazo de dous meses.

Ambos os dous prazos contaránse dende o día seguinte ao da notificación da resolución da convocatoria, de conformidade co establecido na base 6.4 desta convocatoria.

A presentación dos recursos sinalados non poderá ser feita con carácter simultáneo.

**6.6.**–No prazo de dez días dende a data da notificación da resolución da convocatoria, cada titular das bolsas deberá:

A) Aceptar de xeito telemático a bolsa, e declarar que non están incurso en causa de incompatibilidade.

B) Achegar o impreso de certificación de datos bancarios segundo o modelo oficial da Deputación Provincial ([www.dicoruna.es/deputación/impresos/xerais](http://www.dicoruna.es/deputación/impresos/xerais)), asinado de conformidade co disposto no apartado 3.

Se transcorre o prazo sinalado sen que fose aceptada a bolsa, deixarase sen efecto a adxudicación á persoa que incumpla e poderase adxudicar ao suplente que corresponda.

### **7.–Realización do proxecto e obrigas dos bolseiros.**

Coa finalidade de acreditar a realización do proxecto, os titulares das bolsas terán que cumprir todas as normas establecidas nos apartados anteriores e ademais presentar un informe parcial e unha memoria final da investigación realizada.

#### **7.1.–Informe parcial.**

Presentaranse na plataforma telemática no prazo de seis meses dende á data de publicación da resolución da convocatoria, salvo no caso dos suplentes que se contará dende a notificación da súa concesión.

O informe, que estará asinado polo bolseiro, reflectirá de forma clara os pasos seguidos ate o momento da presentación e o estado no que se atopa a investigación cun criterio riguroso e fundamentado.

#### **7.2.–Memoria final.**

Presentarase na plataforma telemática no prazo dun ano dende a data de publicación da resolución da convocatoria, salvo no caso dos suplentes que se contará dende a notificación da súa concesión.

Consistirá no propio traballo resultante da investigación debendo constar a consecución do obxectivo fixado no proxecto; esta memoria estará asinada polo bolseiro, coa conformidade do director do traballo, se é o caso.

Estas memorias parciais e finais serán presentadas na plataforma e o tribunal valorará a súa idoneidade.

Os prazos de presentación poderán ser prorrogados despois de solicitude razoada, e sempre que se presente cunha antelación mínima dun mes respecto á data de presentación.

A presentación fora de prazo do informe parcial ou da memoria final sen que medie solicitude razoada de prórroga que sexa admitida favorablemente pola Deputación, levará aparellada a imposición duna sanción de conformidade coa lei 9/2007, de 13 de xuño, de subvencións de Galicia e o Decreto 11/2009, polo que se aproba o seu regulamento, e poderá dar lugar á devolución do importe cobrado ata o momento no que se produza o incumplimento, ao que se lle engadirán os correspondentes xuros de demora.

**7.3.**–Cooperar coa Deputación provincial nas actuacións de comprobación que sexan necesarias para verificar o cumprimento das condicións determinantes da concesión

**7.4.**–Comunicar calquera variación ou modificación que se produza durante a tramitación do procedemento do cumprimento e efectividade das condicións determinantes da concesión da bolsa.

**7.5.**–Comunicar a renuncia á bolsa no caso de que se produza unha causa determinante de dita renuncia

### **8.–Pagamento.**

As bolsas aboaranse en dous prazos:

\* 75% (5.718,75 €) despois da aceptación da bolsa nos termos establecidos no apartado 6.6 da convocatoria.

\* 25% (1.906,25 €) despois da presentación da memoria final da investigación realizada.

Os pagos realizaranse por transferencia bancaria á conta indicada polo bolseiro.

### **9.–Propiedade dos traballos.**

A propiedade dos traballos será dos titulares das bolsas, puidendo a Deputación reservarse durante doce meses os dereitos de editalos.

En calquera edición posterior farase constar que foi obxecto de bolsa por este organismo.

Tamén se fará constar a publicidade do financiamento provincial naqueles casos nos que o traballo obxecto da investigación sexa presentado a ponencias, cursos, seminarios ou similares tanto durante a súa elaboración como con posterioridade ao seu remate.

**10.-Compatibilidade.**

As presentes bolsas son incompatibles con calquera outras que poidan concederse por parte de calquera entidade ou persoa pública ou privada.

A obtención simultánea doutra axuda será causa de reintegro da bolsa adxudicada.

**DISPOSICIÓN FINAL**

Para os casos non previstos nas presentes bases, será de aplicación a Lei 9/2007, de 13 de xuño, de subvencións de Galicia e o Decreto 11/2009, polo que se aproba o seu regulamento, e as Bases de execución do orzamento xeral da Deputación do ano 2015.

Os participantes nesta convocatoria aceptan en todos os seus termos as presentes bases e a resolución correspondente, sen prexuízo da presentación dos recursos pertinentes.

A Coruña, 25 de febreiro de 2015.

O presidente

O secretario

Diego Calvo Pouso

José Luis Almau Supervía

2015/2250